

Ny Anjely Tsara sy ny Anjely Ratsy Fizarana 1

Miorina amin'ny boky *Inona Marina no Ampianarin'ny Baiboly?* toko 10, azo jerena ato amin'ny jw.org.

TANJONA: Hamantatra hoe inona no inoanao ary nahoana, handinika izay ampianarin'ny Baiboly, ary hijery ny fomba hanazavana an'izay inoanao amin'ny hafa.



INONA NO ATAO HOE ANJELY?

1 FANTARO IZAY INOANAO

Inona no mety holazain'ny olona?

Ary *ianao*, inona no inoanao?

Nahoana *ianao* no mino an'izany?

Fanahy ny anjely. Matanjaka sy manana fihetseham-po izy ireo ary afaka misaina.
(Jereo ny boky *Ampianarina*, toko 10, fehintsoratra 1-5.)

Vakio ny Joba 38:4-7 sy ny Salamo 103:20 ary ny Lioka 15:10.

Nahoana ireo andinin-teny ireo no manaporofa fa matanjaka sy afaka misaina ny anjely ary manana fihetseham-po?

Vakio ny Daniela 6:22 sy ny Asan'ny Apostoly 12:6-11.

Ahoana no nanampian'ny anjely tsy mivadika ny mpanompon'Andriamanitra taloha?



Faly ny anjely na dia olona iray fotsiny aza no miverina amin'i Jehovah.—Lioka 15:10

Nivadika tamin'Andriamanitra ny anjely sasany.

(Jereo ny boky *Ampianarina*, toko 10, fehintsoratra 6-8.)

Vakio ny Apokalypsy 12:9.

I Satana Devoly irery ve no anjely nikomy, araka io andininy io?

Vakio ny Genesisy 6:2.

Inona no nataon'ny demonia mba hikomiana tamin'Andriamanitra?

Vakio ny Salamo 34:7.

Mampiasa an'ireo anjely tsy mivadika Andriamanitra mba hiarovana antsika amin'ireo anjely mitady hanimba ny fifandraisantsika aminy. Manao ahoana ny fihetseham-ponao rehefa mahafantatra an'izany?

3

HAZAVAO IZAY INOANAO

RAHA MISY MITENY HOE...

Tsy tena misy izany anjely izany.

DIA AZONAO VALIANA HOE...

Betsaka ny olona mieritreritra an'izany. Tsy mino an'izany anefa aho satria...

Inona ny andinin-teny azonao resahina amin'ilay olona?

Ahoana no hanazavanao an'io andinin-teny io amin'ilay olona?

RAHA MISY MITENY HOE...

Tsy mino aho hoe manampy ahy ny anjely, satria izaho aza mbola tsy nahita na iray aza.

DIA AZONAO VALIANA HOE...

Marina aloha hoe tsy miseho amin'ny olona toy ny taloha intsony ny anjely. Mino anefa aho fa *manampy* antsika ny anjely satria...

Inona ny andinin-teny azonao resahina amin'ilay olona?

Ahoana no hanazavanao an'io andinin-teny io amin'ilay olona?
